

Gryphius, Andreas: 8. (1640)

- 1 Der/ so der Menschen Hertz eh als man meint verwend
- 2 Hat oft der Feinde Zorn/ vnd vngestümes pochen.
- 3 Vnd das schon blosser Schwerdt in einem nu/ zubrochen.
- 4 Wer seine Stachel leckt/ nimbt ein erschrecklich End.
- 5 Ob gleich der grimme Saul vor lauter toben brennt/
- 6 Hat doch/ eh denn er recht der Christen Blut gerochen/
- 7 Sein Muth sich vnversehns vor Gottes Plitz verkrochen
- 8 Sein schnarchen fellet in Staub/ sein Auge wird geblendet/
- 9 Ia/ was noch mehr/ der Mann/ so mit Creutz/ Band vnd Plagen/
- 10 Sich wieder Christum setzt/ lernt nichts als Christum sagen/
- 11 Vnd bereit Christi Ruhm vor allen Printzen auß.
- 12 So stürzt der grosse Gott auch alle/ die dich letzen;
- 13 Vnd wil dir hundertfach/ was ihr Geitz raubt ersetzen.
- 14 Drumb Leid vnd laß für ihn/ Kind/ Vater/ Freund/ vnd Haus.

(Textopus: 8.. Abgerufen am 23.01.2026 von <https://www.textopus.de/poems/54483>)